

ჩემპიონატი

თბილისის “დინამომ” კვლავ დაკარგა ორი ქულა
(ლენინგრადი, ტელეგრაფით ჩვენი სპეც. კორესპონდენტისაგან).

30 ივნისს **ლენინგრადში** ჩატარდა მე-10 კალენდარული მატჩი ფეხბურთში სსრკ პირველობაზე. თამაშობდნენ **ამავე ქალაქისა და თბილისის “დინამოს” გუნდები.**

ლენინგრადელები გამოვიდნენ ძირითადი შემადგენლობით. თბილისის “დინამოს” შემადგენლობაში იყვნენ: ტყებუჩავა, შავგულიძე, გაგუა, ჯორბენაძე, ფროლოვი, ჭელიძე, ჯეჯელავა, მ. ბერძენიშვილი, პაიჭაძე, ბერეჟნოი და გავაშელი.

მე-15 წუთზე ძლიერი კუთხური გარტყმით პაიჭაძეს გააქვს პირველი ბურთი. 2 წუთის შემდეგ ნ. დემენტიევი “მკვდარი” ბურთით ათანაბრებს ანგარიშს.

პირველი ტაიმი დამთავრდა ფრედ – 1:1.

შეჯიბრების მეორე ნახევრის პირველ წუთებიდანვე ლენინგრადელები “დასახლდნენ” თბილისის დინამოელთა საჯარიმო მოედანზე, მაგრამ მეკარე ტყებუჩავას ვირტუოზულმა თამაშმა იხსნა კარი თითქმის აუღებელი ბურთებისაგან. 27-ე წუთზე ნ. დემენტიევს კვლავ გააქვს მეორე “მკვდარი” ბურთი. ტაიმის უკანასკნელ წუთებში პაიჭაძე და გავაშელი ხშირად ურტყამენ მოწინააღმდეგეთა კარში ბურთებს, მაგრამ იგერიებს მეკარე კუზმინსკი. მე-39 წუთზე ალოვი უსხლტება ხელიდან გაგუას და აწვდის საზონოვს. ეს უკანასკნელი 3 მეტრიდან ათავსებს კარში. 41-ე წუთზე პაიჭაძის მიერ მიწოდებული ბურთი გააქვს ჯეჯელავას, რის შემდეგ ანგარიში არ შეცვლილა.

თბილისის “დინამომ” კვლავ დაკარგა ორი ქულა. წააგო მატჩი ანგარიშით – 2:3.

“ახალგაზრდა კომუნისტი”, 2 ივლისი, 1939 წ.